



9. december 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuninnga apeqquteqaateqarpunga:

**Naalakkersuisunut apeqquteqaatit:**

1. Folketingimut qinersineq naammasseqqammersumut Kalaallit Nunaata avataaniit allakkatigut qinersinerit Kalaallit Nunaannut apuutinngitsoortut qassiuppt?
2. Inatsisartunut qinersineq 2021-mi Kalaallit Nunaata avataaniit allakkatigut qinersinerit Kalaallit Nunaannut apuutinngitsoortut qassiuppat?
3. Inatsisitigut akuerisamik qinersinerit tamarmik qinersineq naammassinnginnerani apuunneqartarnissaat pillugu Naalakkersuisut suliniuteqarnissaminnik pilersaaruteqarnerlutik?
4. Naalakkersuisut pineqartumut allanik paasissutissiisinnaanerlutik?

(Inatsisartunut ilaasortaq Jens-Frederik Nielsen, Demokraatit)

**Tunngavilersuut**

Qinersisoqartillugu qinersisinnaatitaaneq demokraatiskiusumik pisinnaatitaaffiuvoq. Qinersinissamullu malittarisassat malillugit qinersisimagaanni aamma inerneranut ilaatinneqarnissaa naatsorsuutigineqarsinnaasariaqarpoq.

Danmarkimilu folketingimut qinersineq naammassineqaqqammisumi inatsisitigut malittarisassat malillugit allakkatigut qinersinerit arlalissuusut piffissaagallartillugu apuussimangitsut maanna saqqummerpoq<sup>1</sup>. Eqqarsaatigaaralu maani nunatsinni allakkatigut qinersisarnerni aamma assinganik ajornartorsiuteqarsimassasugut, avinngarusimaneq peqqutaalluni Kalaallit Nunaata avataaniit allakkatigut qinersinerit apuunneqarnissaat piffissartorsinnaassammata.

Tassa apeqquteqaatinnut tunngavigisakka, taakkulu ullut suliffiusut qulit iluanni akineqarnissaat kissaatigaara.

---

<sup>1</sup> <https://www.dr.dk/nyheder/indland/over-1000-brevstemmer-blev-ikke-talt-med-ved-valget-det-skubber-jo-til-hele-tilliden>